

Methodus

PRAECAVENDAE
CVRANDAEQVE
PESTIS

OLIM IN ACADEMIA INGOL-
STADIANA

AD DISPUTANDVM PROPOSITA

Nunc denuò recognita

A WOLFGANGO HOE-
VERO, MEDICO DO-
CTORE ET PROFESSORE
ORDINARIO

Ad vsum Academicum & Politicum.



NGOLSTADII,

ex Typographico GREGORII HÄNLINI

Anno M. DC. XXXIV.

NOBILISSIMAE
CIVITATIS
INGOLSTADIANAE

CONSVLIBVS ET SENATORIBVS
PRVDENTISSIMIS

PATRONIS SVIS PERBENIGNIS
PRAECAVENDAE CVRAN-
DÆQVE PESTIS

METHODVM HANC OLIM HIC DISPVATAM

NVNC DENVO RECVSAM

PRO SALVBKITATIS PVBLICÆ CVRA
SIBI COMMISSA

50524
D. D. D.

A V C T O R

Subiecto hoc elogio tetraſticho:

*Anglopolis ſtat, inexpugnabile munimentum,
Freta DEO Suecum Regem virtute repreſſit.
Praſidium Martis ſtat, & artis perſtat aſylum,
Barbariem contra, contra quoscunq; rebelles.*

ARGV-



ARGVMENTVM.

Estis auertenda ratio sex doctrinis continetur. I. quidem est pestis cognitio. II. dignotio. III. Pranotio. IV. Præcautio. V. Curatio. VI. Præcauentium curantiumq; remedium apparatus.

COGNITIO.

THESIS I.

Vox pestis communiter & latè sumitur pro quolibet morbo pestilente, hoc est, corruptionem inferente. a. Propriè & angustè pro sola febre pestilente. b. Inde propter similitudinem transferatur ad res & homines exitiales, adeoque pro clade, exitio, pernicie vulgariter accipitur. Sic nauium exustio Maroni Pestis dicitur. c. A Cicerone proclamatur Carilina Reipub: pestis. d. Apud Liuium ibant vnus familiæ viribus (Fabij scilicet) Veienti Populo pestem minitantes. e. Rubiginem, maximam segetum pestem, nominat Plinius. f. In primo significato hunc in modum à nobis definitur.

a. *Aristot. lib. 8. histor. animal. cap. 19. Item Suidas, Hesychius. Gal. in comment. in lib. 3. Epidem sect. 3. b. Gal. lib. 1. de differ. febr. cap. 4. Celsus lib. 3. c. 7. c. Virgil. lib. 5. Aeneid. d. Cicero pro Sylla. e. Liuius lib. 2. f. Plinius lib. 18. histor. nat. c. 17.*

II. Pestis est morbus popularis, contagiosus & perniciosus, è magna putredine cordi repugnante natus.

III. Pestis à morbis alijs distinguitur popularitate, contagione, pernicie, quæ tria pesti tam euidenter insunt, vt demonstrationem nullam requirant. Sufficit ad comprobandum experientia sola, quasi mille testes,

IV. Pestis est morbus popularis: quia singulas vrbes & regiones plerumq; depopulatur, *a.* & depascitur tanquam immanis bellua. *b.* Contagiosus: quia per contactum inficit. Perniciosus: quia plerosque quos afflat, necare solet, Basilisci instar. *c.*

a. Lactantius lib. 2. de error. orig. cap. 11. b. Gal. de Theriaca ad Pison. c. Gal. in comment. in aph. 13. sect. 3. item in definit. medic.

V. Pestilentiae sedes primaria cor est, vel alia pars corporis, quaecunq; noxam suam cum corde communicare potest.

VI. Affectum cordis praecipuum declarat ipsius anxietas & dolor, obscuritas & inaequalitas pulsuum, syncope.

VII. Morbus exitiosus hominem non interimit, nisi vitale viscus tanquam exanime nouissimum, aut primario conficiat, aut saltem per consensum afficiat. Ita venenum non enecat, nisi vitae fontem venenet.

VIII. Causa morbi pestilentis est duplex: Quaedam interior, quaedam exterior. Interior est duplex; vna proxima, nempe putredo maligna, quae cordi hostiliter aduersatur: altera longinquior, eademq; triplex; sanguinis copia, humorum prauitas, obstructio. Exterior quoque triplex: vitium aëris, victus deprauatus, contagio.

IX. Putredo corruptrix est quasi venenum putridum, qualis est lapis septicus, arsenicum, dryopteris, aconitum, & quaecunque putrefaciendo, colliquando laedunt.

Gal. lib. 5. simplic. fac. cap. 14.

X. Pestilens venenum non est propriè dictum venenum, sed quod venenis proportionem respondet, quodque vel exigua mole vim medicamentorum lethalium & bestiarum virus aequat, nec sensu, nec ratione, sed experientia sola percipitur, dum è funestis effectibus innotescit.

XI. Putrida malignitas, siue putredo maligna componitur è malignitate & putredine.

XII. Pernicies est labes, siue qualitas proprietati formae naturalis contraria.

XIII. Pu-

XIII. Putredo iuxta Gal. *a.* est via ad interitum, hoc est, inchoata corruptio: Secundum Aristot. *b.* corruptio vernaculi caloris per extraneum, in vnoquoque humido proueniens, hoc est, consummata corruptio.

a. Gal. lib. II. *m. m.* cap. 8. *b.* Aristot. lib. 4. *meteor.* cap. 1.

XIV. Antecedit malignam putredinem tanquam causa præparatrix, redundantia sanguinis, qui humor facilius, quàm alius putrescit.

XV. Concipit eandem labem affinitatis iure quivis humor qualitate noxius, vt omnis maligni in malignius facilis est transitus.

XVI. Imò non excrementitius tantum, sed alimentarius quoque humor aliquando visceris alicuius vitio sic corrumpitur, vt quasi in venenum degeneret, & fiatque pestis causa proxima, non minus quàm epilepsiæ, præfocationis hystericae, syncopes, repentinæ mortis: quod concreti sanguinis, corruptive seminis, item canis, qui in suo pte corpore rabiei causam gignit, exemplo confirmatur. Cibus nonnunquam in corpore vertitur in fel viperinum. *b.*

a. Gal. lib. 6. *de loc. affect.* cap. 5. *b.* Iob. cap. 20.

XVII. Sed & obstructio conclusis humoribus & cohibita perspiratione mater est putredinis, *a.* adeoque ex obstructione fit destructio. Sic in arcâ per diu conclusæ vestes computrescunt. *b.*

a. Gal. lib. 2. *de differ febr.* c. 11. *b.* Horat. lib. 2. *sermon. satyr.* 3.

XVIII. Pestis, quia communis est morbus, communem quoque causam habebit, qualis est aer, qui nos ambit, & ex quo spiritum ducimus, item esculenta atque potulenta.

XIX. Aer vitatur, vbi vehementer immutatur ipsius qualitas, aut propria forma p. n. corrumpitur & putrescit, aut quoties ex inquinamenti permistione deprauatur.

XX. Immutatur qualitas insigniter ab insigni mutatione temporum & tempestatum, qualis est vehemens & continuus

æstus, *a.* pluuiarum abundantia, *b.* squalor, *c.* frequens inæqualitas caloris & frigoris. *d.*

a. Liuius lib. 5. b. Hippocrat. lib. 3. Epidem. c. Liuius lib. 4. d. Gal. lib. 1. de temperam.

XXI Aeris natura propria corrumpitur & putrescit; quando fit è salutarimalignus, homini contrarius, aut quando non ventilatur, aut quando viget diuturna constitutio calida ac humida.

XXII. Aer infectus est, qui naturâ suâ corruptus non est, sed inquinamentum aliundè suscipit, hoc est, excretionem morbidam, *a.* quâ totus aer conspergitur.

a. Hippocrat. lib. de natura humana.

XXIII. Aeris inquinati causa terer est halitus è multitudine cadauerum, *a.* bipedum, quadrupedum, piscium, insectorum: expirationes graues ex omnis generis spurcitie, è stagnis, è paludibus, ex inundationibus, *b.* ex aquis, in quibus maceratae sunt pelles, linum, cannabis, è puteis & fontibus, quorum fundo limus adhæret fætidus, *c.* è terræ motibus, *d.* è speluncis, è fodinis metallicis, ex aperta voragine, *e.* è fumis venenatorum globorum, *f.* quales ab hostibus in vrbes obsessas immittuntur, vnde pestis Ostendana fuit coorta, aliquando maligna aura per ventos è longinquis regionibus inuehitur. In Apollinis templo Babylonico olim ex arcula aureâ quam per diu reconditam & obseratam fortè miles inciderat, spiritus eripuisse pestilens, inde pestilentia subsequuta totum orbem terrarum afflixisse scribitur. *g.*

a. Petrus Forest. lib. 6. obseruat. 9. in Schol. b. Lauren. Surius. Anno 1556.

c. Horat. Augen. lib. 2. de peste cap. 2. d. Auentin. lib. 7. annal. e. Liuius lib. 7. f. Mercur. Gallobelgic. tomo 6. cap. 27. g. Auentin. lib. 2. annal.

XXIV. Aer non tantum ab inferioribus, verum etiam à superioribus corporibus peruertitur, vt à maleficis siderum aspectibus & influxibus. Ita pestilentis vi sideris exercitum amisit Carthaginensium Dux, Amilco.

Iustin. lib. 19.

XXV. Sunt

XXV. Sunt quædam regiones naturâ pestilentes, vt Sardinia, cuius solum est fertile, cœlum insalubre.

Pompon. Mela lib. 2. de orbis situ.

XXVI. Victus deprauatus est alimentum corruptum, vt frumentum putridum, marcidum, rubigine vitiatum, corrosus à vermibus, animalium morbosorum, vel morticina caro, quælibet esca putrefacta, aquæ vitiatæ, vini mucidi, vappæ potus: vel incorruptum, quod tamen facilè corrumpitur, vt fructus nonnulli fugaces, quòdue succos prauos gignit, vt fungorum esus. Præterea ciborum inrempestiua sumptio, vel ordo præposterus, vt cum priore nondum confecto cibus alius ingeritur: vel cum duri concoctuque difficiles leuioribus præmittuntur, quorum infirma est materia.

Fernel. lib. 3. de febr. cap. 6.

XXVII. Pestis est comes famis, a. etiam satietatis pedissequa, quum succedit inopiæ victus copia. Interdum concurrentes pestis atque esuries inter sese certant, vtra maiorem stragem edat. b.

a. *Iustinus lib. 2.* b. *Linus lib. 3. Hesiod. in oper.*

XXVIII. Pertinent huc medicamenta corrupta, situ rancida, vetustate exoleta, prauis alimentis deteriora.

XXIX. Sufficeret ad necandum malignitas naturalis, nisi malignior ars componeret vnguenta pestifera; de quibus tacere præstat, ne videamur arma malitiæ prauis hominibus prodere.

XXX. Contagio transitus est vitij in aliud corpus sanum, per contactum polluti corporis, à putrido lentoque effluuio profectus.

XXXI. Omnis contagio per contactum efficitur; siue corpus infectum contingatur, siue fomes contrectetur, siue halitus inspiretur, siue per occulta cutis spiracula ab extremarum arteriarum osculis attrahatur. Fit etiam per occursum eius, quocum vel familiæ, vel temperamenti similitudo quædam intercedit.

XXXII. Ef-

DISPUTATIO

XXXII. Effluuium putridum est: quia putidum; viscidum: quia longo tempore conseruatur.

XXXIII. Seminarium, inquinamentum, sordities putrida, sobolem sibi similem gignit, vt quidem seminis est rem talem producere, qualis est ea, à quâ semen est procreatum.

XXXIV. Seminarij huiusce fomes exterior est aer, aqua, cibus, potus, vestis, supellex, habitatio corporum infectorum, res quælibet rara, laxa.

XXXV. Inter animi motiones omnes nulla plus confert ad pestem contrahendam, quàm metus, siue fortis apprehensio terrore concitata. Tanta namque vis est improbi metus, vt aliquando rem metuendam fortiter apprehensam ipse metuens anticipet & participet.

Thomas Fienus lib. de vi imagin.

XXXVI. Pestis immittitur aliquando diuinitus, *a.* vnde gladius Domini nominatur, *b.* aliquando citra medium, hoc est, citra vitium aeris, absque victus culpa, nullâ contagionis iniuriâ, sæpius tamen concurrentibus causis secundis. Ita scilicet aer ipse, qui in hoc datus est animantibus omnibus, vt aurâ salutare vitam conferat & alat, armatur in vindictam malorum, victus humanæ vitæ conseruator degenerat in venenum, conuictus homini proprius, bonorum auctor publicorum & priuatorum, dissipatur tanquam exitiosus.

a. Moyses exod. cap. 9. Ezech. cap. 14. Linus lib. 6. Iustinus lib. 32. b. Chrenicar. sacror. lib. 1. cap. 21.

XXXVII. Pestis est multiplex, ratione formæ, subiectæ materiæ, causæque effectricis.

XXXVIII. Ratione formæ pestis est multiformis, Protei siue Vertumni instar. Morbus Pestilens, vt est intemperies; est febris pestilens: vt structuræ vitium, tumor pestilens: vt continui solutio, vlcus pestilens

XXXIX. Ratione subiectæ materiæ, è qua coagmentatum est corpus, & veneni triplicis, triplex est pestis: vt est febris

bris pestilens: quædam ephemera, quæ Spiritus, quædam putrida, quæ humores, quædam hæctica, quæ partes solidas malignè putrefacit, ita quidem, vt extremæ particulæ, velut aures, nares, digiti manuum, pedum, artus integri putrefacti decidant. *a.* Pestis, vt tumor est pestilens, quædam glandulas occupat, vt bubo: quædam cutim & carnem subditam, vt carbunculus: quædam alias partes interiores, à quibus proprium nomen fortitur tumoris species propria. Pestis, vt est vlcus, aut est internum, vt dysenteria pestilens, aut externum, ortum ex abscessuum pestilentium ruptione.

a. Hippocrat. lib. 3. epidem. sect. 3. Thucydides lib. 2. de bello Pelopon. Horat. Aug. gen. lib. 1. de peste cap. 5.

XL. Ad pestem tanquam morbum reducitur Symptoma, nempe maculæ pestilentes, quæ producuntur è biliosa tenuique sanguinis portione, sicut bubones è crassiore magisq; phlegmatica, carbunculi prodeunt ex humore feruidiore, quasi bile nigra adusta.

Gal. lib. 2. de differ. febr. cap. 9.

XLI. Maculæ variant I. specie; quædam assimiles sunt vibicibus, quædam pulicum morsibus. II. colore; quædam rubræ, quædam pallidæ, quædam puniceæ, quædam virides, quædam nigræ. III. magnitudine: quædam latæ, quædam minutæ. IV. numero, modò plures, modò pauciores. V. tempore; quædam apparent in viuis corporibus, quædam in extinctis demum erumpere solent. VI. fine; quædam resoluntur atque dissipantur, quædam retrocedunt.

XLII. Bubo mobilis est oblongus & teres initio, sed in parte media crassior, tanquam fusus filis obuolutus, demum acutus, nonnunquam duos, tres, quatuorue digitos latus, qui Zona, siue cingulum vocatur. Colore nunc rubeus, nunc fuscus, nunc virescens, nunc iridis æmulus. Carbunculus immobilis, figurâ rotundus & acutus, interdum latus, splendens instar picis, cum papula nigra, vel citra pustulam, in tumoris

ambitu, velut iris. pustula vel vna, vel plures, quales ab igne excitantur, quibus ruptis subest crustosum vlcus.

Gal. lib. diff. morb. cap. 12. Item lib. 14. m. m. cap. 10.

XLIII. Pectis, vt est popularis, contagiosa ac perniciofa, popularitatis, contagionis & pernicipi maioris & minoris ratione distinguitur. Maximè popularis est, quæ populum inuadit promiscuè: minus popularis, quæ v.g. iuuenes tantum, aut grauidas solumprehendit. Ratione contagionis, quò maior est malignitas putredinis, eò contagiosior est pectis. vt aliud alio perniciosius est venenum: ita pectis quoque perniciosior, vbi maior est malignitas quàm putredo.

XLIV. Pectis etiam triplex est ratione externæ causæ triplicis: quædam aeris vitio, quædam victus prauitate, quædam contagione suscitatur.

DIGNOTIO.

XLV. Signa pectis dignoscendæ publica sunt plurimorum hominum præsertim vulgarium languor & interitus, longè lateque serpens contagio. Propria verò morbi pestilentis vulgariter sæuientis est aliorum morborum cessatio. Peste dominante cessant alij morbi, non secus ac Tyranno præfente cessat aliorum magistratuum imperium. Pectis obscurat alios morbos, vt vmbra diurnam solis defectio.

XLVI. Signa priuata iam præfentis & inuadentis pectis, tanquam ambigui morbi, sunt ambigua. Modus inuadendi non est vnus. Sæpè primo statim occurfu veneno patet ingressus in cor: hinc inuadit repentè: nonnunquam intrat sensim & lentè, sic, vt ægrotus haudquaquam sibi videatur ægrescere. Aliquando febriculam aut inflammatiunculam simplicem pectis duplex subdolè e mentitur.

XLVII. Signa pectis apertè iam aggredientis, est horror, æstus, virium defectio, cordis anxietas, inquietas, & ingens symptomatum atrocium caterua.

XLVIII. Si-

XLVIII. Signa febris pestilentis quædam sunt communia reliquarum febrium, quæ desumuntur ex pulsibus, urinis, sudoribus, alijs excrementis; è functionum læsione; quædam propria.

XLIX. Indicia propria febris pestilentis præsertim putridæ, sunt exanthemata siue ecchymata, hoc est, maculæ, bubones, & carbunculi pestilentes.

L. Signa febris ephemeræ, maximè præceps virium lapsus, sudor, doloris & tumoris absentia.

LI. Argumenta hæcticæ, subita macies totius corporis, membrorum resolutiones in halitus & liquores; unde sudores, urinae, ventris fluxus, carniumputredines, ossium nudationes, mutilationes artuum, prolapsus membrorum extremorum.

Gal. lib. 1. de temperam.

LII. Tumores & ulcera aut oculis patent, aut si latent, deprehenduntur è suæ partis dolore, excrementis, læsa actione.

LIII. Signa affecti cordis, mutatio pulsus, palpitatio, syncope.

LIV. Signa aliarum partium affectarum è proprijs Galeni libris de locis affect. sunt petenda.

LV. Signum malignæ putredinis est præsens exitium, insignis virium læsio.

LVI. Signa plethoræ, cacochymiae, viscerum infarctorum, passim à medicis exponuntur.

LVII. Signa causarum externarum patent è causis earum indicatis & antegressis, item è sequentibus illarum effectibus.

LVIII. Signa aeris corrupti, insolita avium migratio, tam hominum quàm pecudum inuasio, tam purorum quàm impurorum corporum infectio. Signa aquæ corruptæ, fætor & sapor alienus, crassities turbida, piscium ibi degentium, animalium potantium interitus, vel languor. Signa terræ corruptæ, lues animalium quadrupedum pascentium, bestiarum

è proprijs cauernis egressio passim errabunda, terræ fructuss infalubres.

LIX. Signa deprauati victus colliguntur ex annonæ caritate, nonnunquam è gulæ luxuria.

LX. Suspicio contagionis oritur, vbi nec aer, nec victuss est accusandus, sed rei contagiosæ propinquitas.

PRÆNOTIO.

LXI. Signa quæ valent ad prænosendum, sunt duplicia, quædam sunt pestis impendentis ac præcauendæ, quædam præsentis & curandæ præfagia.

LXII. Signa futuræ pestis capiuntur ab opportunitate corporum, temporum, & locorum.

LXIII. Corpus ad pestem concipiendam est idoneum, vel ob temperamentum, vel ob id, quod temperamentum consequitur, vel ob aliarum causarum præsentiam.

LXIV. Corpus calidum & humidum est maximè præparatum, minus procliue calidum & siccum, deinde frigidum & humidum, postremò frigidum & siccum.

LXV. Corpus rarum causis externis facilè cedit, internis resistit: densum contrà.

LXVI. Corpus succorum bonitate grauatum supra vires, aut succis prauis scatens, promptius est, quàm moderatum & purum. Muliebre, quàm virile. In muliebri sexu grauidæ periclitantur magis quàm expeditæ: minus, quæ repurgantur singulis mensibus, quàm cæteræ. Inter ætates corpus iuuenile magis est obnoxium, quàm senile. Corpus gulæ deditum, quàm abstinentiâ præditum. Corpus libidine eneruatum, quàm continentia roboratum. Corpus quomodocunque debile, quàm natura vel arte firmum. Corpus quod vehementibus animi motibus perturbatur, quàm his vacuum & liberum, tranquillum & quietum; corpus quod immundè victitat, quàm quod mundè: quod contagionis occasione patet, quàm quod inde est remotum.

LXVII. Ar-

LXVII. Arthritici, item scabiosi, vel ulcerosi sunt à peste tutiores.

LXVIII. Ad causarum præsentiam, quæ pestem minantur, pertinet meteororum igneorum multitudo prodigiosa, caniculæ exortus obscurior, *a* solis deliquia, certa siderum permixtio, qualis ab Astrologis obseruatur, tempestates præposteræ, diuturna ventorum silentia, animalium ex putredine nascentium, vt muscarum, papilionum, scarabæorum murium, ranarum & limacum copia.

a. Cic. lib. I. de diuinat.

LXIX. Ad temporis opportunitatem quod spectat, pestis offendit æstate & autumno magis, quam alijs temporibus, magis affligit humido quam sicco, calido quam frigido tempore: constitutione similiter austrina, quàm aquilonia, cœli inæqualitate & intemperie, quàm æqualitate & temperie; maximè sæuit media nocte & meridie.

LXX. In aere crasso pertinacior est pestis, in tenui sæuior. In regione feruidissima ac gelidissima minus furit, in locis immundis & fætidis vehementius debacchatur. In locis maritimis austro obiectis, quàm in mediterraneis, in vallibus, quàm in montibus. Si pestis oritur à causis cœlestibus, loca montana sunt magis pestifera, quàm campestra: Contra si prouenit ab inferioribus corporibus. Si diuinitus aduenit, nulla habetur ratio corporum, temporum & locorum, nisi quæ corpora, quæ loca defensa, quæ tempora definita velit diuina clementia.

LXXI. Ducitur coniectura minimè vana pestis imminētis, à crebris abortibus, à variolarum & morbillorum frequentia, à puerorum sepulchra fodientium, funera procurantium lusibus, à feralibus auibus, vt bubonibus, qui cadaueribus delectantur, eaquæ præsentunt. Atqui morituri homines à mortuis parùm distare videntur.

LXXII. Pestis diuinitus inferenda propter scelera hominum punienda, à diuinis vatibus prædicitur.

Moyſes exod. cap. II. lib. 2. reg. cap. 24.

LXXIII. Pestis curandæ præſagia à duello naturæ & morbi deducuntur.

LXXIV. Morbus eſt quouis venefico occultior, quouis ſicario crudelior, ſalutem à fronte præferens, mortem à tergo circumferens. In principio vix agnoſcitur, agnitus occultatur, tanquam dedecus, tanquam poena, quam fontes luunt ob commiſſa piacula.

Libanius in apolog. Achillis.

LXXV. Arma hoſtis ſunt venenata tela: Cordis verò, ſanguis & Spiritus promptior, quàm valentior, & artis remedia non tam propria, quàm communia tantum ad quoduis venenum obtundendum.

LXXVI. Pestiſ cauſa, quia nullis ſenſibus obuia, difficulter mente percipitur, ægrius verbis explicatur, ægerrimè remedijs expugnatur.

LXXVII. Vulneratiſ Græciſ in bello Troiano Machaones non defuerunt. Peſte correptiſ, qui medicinam adhibere fuiſſet auſuſ, apud Homerum nulliuſ AEſculapij fit mentio.

Homer. lib. 1. Iliad.

LXXVIII. Eſi Deus ſibi ſoli reſeruafſe videtur remedium contra peſtem, vt opinatur Ioannes Crato, a. trium Imperatorum Archiatruſ: tamen à philanthopia diuina alieuum non eſt, medicamentum producere, quod peſtem ſanet.

a. *Laurent. Scholz. conſil. 271.*

LXXIX. Si venenum eſt veneno contrarium, vt poſt Galen. Hieronymuſ Cardanuſ luculenter probauit, cur veneno peſtilenti nihil eſt contrarium? Si veneno peſtilenti contrarium eſt conditum, cur mortalibuſ, quorum intererat maximè noſſe, eſt abſconditum? quaſi verò non omnia ſiant ex contrarijs per contraria, cognito contrariorum vno, non etiam alterum cognoscatur.

LXXX. Na

LXXX. Naturam morborum curatricem, sui tutatricem præpotentem, & artem ipsius æmulatricem ingeniosam, summè necessario pestis remedio deficere, verisimile non est.

LXXXI. Pestem ab Attica abegisse celebratur Hippocratis industria, dum ex Aethiopiâ delatum halitum pestiferum, ignibus passim accensis absumpsit auertitque.

Soranus in Vita Hippocr. Atheniensium decretum. Plin. lib. 36. cap. 27.

Gal. lib. de theriac. ad Pison.

LXXXII. Pestis ephemera, hominem aut citissimè tollit, aut citissimè tollitur.

LXXXIII. Putrida facilius curatur, quam Hæctica.

LXXXIV. Si febris pestilens salubriter iudicatur, quod tamen est rarissimum, nisi iuuetur arte, cum sit morbus extremè peracutus, malæ constitutionis & iudicij difficilis, terminatur aut per excretionem, vt sudorem, vt hæmorrhagiam, aut per abscessum, vt bubonem vel carbunculum, aut per crisin vtramque; si tamen præcesserit coctio, si victa sit malignitas, & morbi leuamen sequatur: Sin minus, victæ potius quam victricis naturæ hoc est signum.

LXXXV. Maculas, bubones, & carbunculos quàm primum erumpere, post coctionem & correctionem tamen materiæ, bonum: repentinè euanescere, malum.

LXXXVI. Maculæ post bubonem aut carbunculum erumpentes, lethiferæ.

LXXXVII. Bubo febrim anteuertens, mitiorem morbum prænunciat.

Julianus Palmar. lib. de febr. pestilent cap. 25.

LXXXVIII. Bubo licet febrim subsequatur, die critico tamen exortus, nihil portendit mali.

LXXXIX. Carbunculi sunt deteriores bubonibus.

Petrus Forest. lib. 6. de febr. pest. obser. 32. in scholijs.

XC. Proximus cordis regioni carbunculus, malum.

XCI. Aluus adstricta pestis initio sanationem faciliorem promittit, laxior, exitium minatur,

XCII. Pe-

XCII. Signis bonis, non fidendum semper, nec malis semper diffidendum.

XCIII. Sæpè conflictu grauissimorum symptomatum euadit æger, vt quando maior est putredo, quam malignitas.

XCIV. Sæpè morbi status mutatur in contrarium, vt quando materia noxia à loco nobili transfertur ad ignobilem, vel ab ignobili contrà ad nobilem subito transinuetur.

XCV. Peste correptus, quamuis emergat viuus, tamen vix emergit integer, sed aliqua parte læsus aut debilis.

XCVI. Præmonet Hippocrat. vnicuique Medico diligenter attendendum esse, num morbis diuinum quid insit, hoc est, magnum, admirabile, reconditum, nullo sensu comprehensum, vt in eis curandis artificem eximium se præstet. Tale quid in peste notatur.

Hipp. lib. 2. prædict. Fernel. lib. 2. de abdit. rerum caus. cap. 10.

PRÆCAUTIO.

XCVII. Pestiferæ luis notio, dignotio, prænotio, nihil valent, nisi sequatur, tum appropinquantis præcautio, tum irrepentis curatio.

XCVIII. Præcautio quidem est causarum obiectarum à subiectis corporibus amotio, exceptâ causâ continente, quam summouendam sibi vendicat curatio.

XCIX. Ratione subiectorum corporum duplex est præcautio: quædam publica, quæ spectat ad ciuitatem & regionem vniuersam, quædam priuata, quæ dirigitur ad singulos ciues tuendos.

C. Ratione causarum obiectarum quoque duplex est præcautio, quædam interiorum, quædam exteriorum ablatio.

CI. Interiorum causarum amolitio quibus remedijs comparetur, neminem Medicorum latet.

CII. Causarum trium externarum vnaquæque correctionem aut declinationem poscit.

CIII. Ja

CIII. In vniuersum causæ præciduntur, si procuretur, vt corpus superfluis humoribus quam maximè vacet, optimeq; spiret; si prouideatur, vt corpori suppetat aeris & alimentorum salubritas, & cor præmunitum roboretur ad obsistendum iniurijs pestiferis.

Gal. 1. de diff. febr. cap. 4.

C V R A T I O.

CIV. Indicatio Curandæ Pestis est triplex. I. à specie morbi. II. à sede morbi. III. à causâ morbi proxima desumitur.

CV. Pestis vt est morbus popularis, contagiosus & perniciosus, nihil indicat vtile, quod arti seruiat.

CVI. Pestis vt cor aggreditur, requirit cordis munimentum & præsidium, quod ita cum corde consentiat, vt à corde dissentit venenatus halitus, hoc est, poscit firmamentum, quo cor ipsum adeò roboretur, vt præpotenti causæ fortiter resistat, quod adstringendi facultate præditum, inter venenum & cor sese quasi interponat, ne malum irruens ad penetralia cordis perueniat.

CVII. Pestis vt à malignitate putredinis tanquam à causâ duplici excitatur, duplex remedium desiderat. Malignitas quidem antidotum, quod habeat vim efficiendi contrarium, hoc est, quod occultæ pernicipi insito quodam odio, tacitâq; discordiâ repugnet. Putredo, quæ fit ab extraneo calore & humore exuperante, refrigerans & siccans, tanquam corrigens postulat; quâ correctione materia putrescens ad naturam pristinam reducitur. Putredo facta, cum materia putrefacta iam non amplius beneficio coctionis naturalis ad integritatem redire possit, remedium euacuans flagitat.

Gal. comm. in aph. 17. sect. 2.

CVIII. Antidotum ita debet esse comparatum, vt similitudine cognatum venenum attrahat, attractum dissimilitudine reddat irritum, aut exterminet, absorbendo, per sudorem halitum uè penitus foras expellendo, aut propellendo

saltem à visceribus ad glandulas, partesque exteriores, ut inde facilius euadat curatio.

CIX. Antidotum pestis secretâ facultate efficax, nullo sensu, nullâ ratione, sed experientiâ solâ iudicio fultâ, à Medicis inuenitur; inuentum tamen certa ratione & methodo legitimâ applicatur.

CX. Pestis ut est febris, remedium indicat refrigerans, siccans magis, quàm humectans, ne humectando febrilis augeatur putrilago.

CXI. Pestis ut est tumor, aut vlcus, indicat idem, quod simplex tumor, aut vlcus, præterquam quod virosa materia repelli nolit, sed attrahi, radicitus extirpari; demum plaga fordida mundari, caua repleri, hiulca cicatrice contractâ claudi poscat.

CXII. Pestis ut habet adiuncta symptomata grauissima, symptomatum lenitionem exigit.

REMEDIORVM APPARATVS.

CXIII. Materia remediorum insinuatorum ad prohibendam & depellendam pestem depromitur è Chirurgia, Pharmacia, Diæta.

CXIV. Prætermisâ remediorum eorum, quæ causas internas, ut plethoram, cacochymiam, obstructionem, tollunt, materiâ tanquam notissimâ, ad eorum, quæ externas auferunt, designationem est accedendum.

CXV. Aerem vitiosum corrigit, quidquid siccitate putredinem impedit, & odore grato spiritus recreat, ut ignis, odoramenta, suffimenta, alexipharmaca, quorum copiam proferre ex autoribus, est in syluam ligna ferre.

CXVI. Ad perpurgandum aerem non nihil facit tormentorum bellicorum frequens displosio.

CXVII. Aquæ corruptæ sunt exiccandæ, vel aliò deriuandæ. Aquæ rebus fætidis macerandis necessariae, sint procul ab yrbe.

CXVIII. Si-

CXVIII. Si locus sepulturæ plenus est cadauerum, ne pestis inde resurgat, obruendus est terrâ, conspergendus semine graminis. Ita herbis deinde excrescentibus obturantur spiracula, ne pestis suppullulet.

CXIX. Habitationes eligendæ, quæ versus septentrionem vel orientem spectant. Aeris parum est attrahendum. Omnis exercitatio, quæ crebram inspirationem efficiat, cauenda. Neque fames, neque sitis ferenda. Omnis vehemens animi motus abesto.

CXX. Munditia ciuitatis, alimentorum in salubrium abdicatio, salubrium prouisio, contagionis vitatio publica, à procuratoribus sanitatis ordinatur.

Casspar Contarenus lib. 4, de Venetor. Repub.

CXXI. Seminarium pestis igne consumitur, gelidoué extinguitur aere, fumo vel aquis suffocatur, lixiuio quoque eluitur, ventis Aquilonijs expositum discutitur, etiam contumulatur. Si quod inhæret parietibus conclauium, non alienum erit, calcem abradere, & crustam nouam inducere.

CXXII. Amuletis collo gestandis ex Arsenico, hydrargyro, bufonis puluere, fidendum non est. Tutius cauterijs feditur.

Petrus Paulus Magni Placentin: lib. de canterijs.. cap. 9.

CXXIII. Si fugiendum sit, ad loca montana confugiendum, aut illuc vnde pestis demigravit. Sunt loca quædam, vbi pestilentia nunquam fuit, vt Locris & Crotone. *a.* Brabantia quoque non inficitur peste, licet pestis in regionibus vicinis sæuiat *b.*

a. Plin. lib. 2. hist. nat. cap. 96. b. Abrahamus Ortelius in Theatro orb. terræ

CXXIV. Numinis diuini placamentum, tanquam remedium primarium, à sacerdotibus promulgatur.

CXXV. Hebræi pestilentiam affecti Deum placare solebant extructis aris & sacrificijs oblatis; quasi capitales hominum noxas mactatio victimarum expiaret.

Regum, 2, lib. cap. 24.

CXXVI. Græci monebantur à Calchante vate, vt quia peccatum regium erat causa pestis, non dimittendum, nisi restitueretur ablatum, idcirco rex Agamem non Apollinis Sacerdoti Chryseæ raptam Chryseidem filiam gratuito redderet, vnâ cum hecatombe persoluendâ.

Homer. lib. 1. Iliad.

CXXVII. Romani veteres, quandoquidem iram humanam cibo molliri, somno mitigari nôrant, idcirco Deos iratos lectisternijs adornatis, epulis appositis, similiter reconciliari sibi persuadebant.

Linus lib. 5. § 7.

CXXVIII. Christiani gregatim concurrebant ad publicas rogationes & supplicia, vitam flagitiosam emendabant, vota nuncupabant: quasi nihil efficacius ad pestem auertendam esset, consentientis Ecclesiæ precibus humillimis; quasi pietas & beneficentia acceptissimæ victimæ haberentur ad Deum propitiandum.

Platina in Vita Clementis VI.

CXXIX. Materia auxiliorum cardiacorum partim ex alimentis, partim ex medicamentis constat.

CXXX. Medicamenta cordi dicata, quædam sunt calida, quædam frigida, quædam temperata: quædam simplicia, quædam composita: quædam sumenda, quædam admouenda, non tantum curandi, sed præcauendi quoque gratia.

CXXXI. Simplicia calida sunt, melissa, dictamnus, pentaphyllum, carduus benedictus, baccæ lauri, cinnamomum, caryophyllum, lignum aloes, cortex mali citrij, crocus, moschus, ambarum.

CXXXII. Frigida verò, ossiculum è corde cerui, vel ipsum cornu cerui, ebur, margaritæ, sapphyrus, hyacinthus, Smaragdus, coraliu, succinum; aurum temperatum.

CXXXIII. Composita sunt, vt syrupus è cortice vel succo mali citrij, Syr. è cinnam. Confect. Alkermes, pulueres,

res, epithemata, linimenta, sacculi pro corde & pulsibus.

CXXXIV. Antidota pestis communia sunt, quæcunque venenum quodlibet à corde depellere valent, vt angelica, zedoaria, ruta, malum citrium, bolus Armena, terra sigillata, lapis bezoar. Composita, Mithridatium, Theriaca, puluis Saxonicus, Pannonicus.

CXXXV. Propria censentur scordium & caphura, atque ex his composita, antidotus è scordio Fracastorij, è caphura Kegleri, item ex ouo, croco, myrrha, cæterisque, quibus etiam caphura admiscetur.

CXXXVI. Composita sunt efficaciora atque probatiora, quam simplicia.

CXXXVII. Iudicij solertis est, optima quæque ex abundantia cumulatiflima seligere, & ad vsum rectum adiungere.

CXXXVIII. Materia curandæ pestis, vt febris, Chirurgica, refrigerans, putredinem corrigens, euacuans, est venæ sectio, quæ locum habet in febre putrida, si tamen redundet sanguis, & vires sinant, & dolor adsit. *a.* Bubones certè & carbunculi pestilentes, & recentes, sine venâ sectâ curari vix possunt. *b.* Sanguinis quoque missionem suadet eiusdem vacuatio consueta, sed cohibita præter morem. Prohibet venæ sectionem pestilens aeris status, æstas, hyems, regio calidior aut frigidior, sanguinis fluxus, vomitus immoderatus, alui profluuium & alia plura.

a. Cels. lib. 3. cap. 7. b. Adamus Lonicerus Medic. Francofurt.

CXXXIX. Maculis pestiferis scarificatio conuenit, item Cantharides.

CXL. Ad bubones sanandos conferunt ea, quæ venenum fortiter extrahunt, vt lapis septicus, flammula, ranunculus, theriaca cæpis incocta, adipe procino subacta, panis adhuc calens, animalis recens macerati pulmo, gallina, vel columba. Bufo siccatus, non tumori, sed infra tumorem spatio quatuor digitorum impositus. Discutit ac resoluit bubones

fotus ē malua, scabiosa, ruta, chamæmelo, sem: fænigræci, lini, croco. Aperit, rumpit scalpellum, vel cauterium. Ad suppurandum valet vnguentum basilicum, emplastrum diachylon, cum oleo Scorpionis, cui nihilo minus cataplasma molliens imponendum. Vnguentum ē melle rosaceo, terebinthina, vitello oui, farina hordei. Ad vlcus mundandum proficit vnguentum fuscum, apostolic. Ægyptiac. vel iufusio per syringem, vel ablutio ex aloe, sale, melle, succo chelidonijs vel scordij. Ad consolidandum sufficit emplastrum album coctum.

CXLI. In carbunculis præter medicamenta bubonibus apta, nisi quod discutientia minus conueniant, locum etiam habent cucurbitulæ scarificatæ, vel inustio, vel cantharides. Partes vicinæ dolentes illinendæ sunt vnguento populeo, ē caphura, vel oleo rosac. cum Armena bolo muniendæ. Bulla rumpitur emplastro basilico, vel forcipe secatur. Ad maturandum & aperiendum commendatur theriaca, mel rosaceum, fermentum, columbarum fimus, ficus. Tres cucurbitulæ proximè carbunculum deorsum rectâ lineâ affigendæ. Tertia longius distans manè & interdiu reperenda sæpius: vespere illius loco medicamentum imponendum, quod vesicam excitet, quæ dirupta saniem venenatam profundat, vlcusque relinquat, cui brassicæ folium imponendum, quò continenter ichoribus diffluat.

Julianus Palmarius lib. de febr. pestil. cap. 27. Pertinet huc fasciculus medicamentorum contra pestem à Daniele Sennerto, Professore Medico VVittenbergense, concinnatus.

CXLII. Pharmaciæ & Chirurgiæ respondeat oportet diætâ.

CXLIII. Aer cubiculi, non apertus, sed conclusus esto, tepidus, qui corporis spiracula laxa ac patentia seruet, quo labes perniciofa vel per sudorem, vel per occultam perspirationem exhalare possit; Odoratus, vt reficiendis spiritibus in seruiat.

uiat. Aestiuo tempore cubiculum herbis subfrigidis temperandum, asperſionibus irrigandum.

CXLIV. Cibus, iuscula carniū, oua ſorbilia, ptisana, mala cocta, fercula congelata, contuſa, conſummata, aromata cardiaca, alimenta medicata, cardiacis condita pulueribus, quibus aceti vel acidi ſucci non nihil admiscendum, cū appetitus excitandi, tū putredinis coercendæ gratia.

Rhaſes lib. 4. ad Manſorem. cap. 25.

CXLV. Ad cibum æger eſt compellendus, ſi minus argumenti ſubtilitate permouetur, quod veneni malignitas alimenti benignitate mitigetur, vt quidem corpori ieiuo, quā paſto nocentius eſt toxicum, a. at precibus & hortamenti blandis alliciendus, etiam comminatione mortis pertrahendus.

a. Celfus lib. 5. c. 27.

CXLVI. Vinum eſt idem feбри, quod oleum flammæ, veneni peſtilentis vehiculum ad cor; excepto vino cydonio, malorum Punicorum, citriorum & vinoſorum. Aqua cocta, adiecto cornu ceruino, præter aromata, vel cruda liquore conueniente temperata, potui detur.

CXLVII. Somnus in principio morbi, ne virus inter dormiendum ad cor deferatur, non eſt admittendus.

CXLVIII. Vigilantia, motus & agitatio totius corporis, etiam curſus, ſi vires ſuppetunt, præſumpto tamen antidoto, mirum, quantum exſcitant facultatem expultricem ad virus diſcutiendum atque excutiendum; quo peracto, ſecura requies iuuabit.

CXLIX. Molienda noxæ foras eruptio, teter halitus per os & nares validè expirandus, mox aer igne expurgatus, aut odoratus vapor, eſt inſpirandus.

CL. Metus & triſtitia vires maximè deiiciunt, quibus proſtratis, inſultat victrix ſuperba, peſtis. Opponatur his ſpes euadendi, in autorem vitæ Deum, erga Medicum valetudinis patro-

patronum, animosa fiducia, hilaritas sinceritate conscientiae serena, spirituum recreatrix, sanguinis vegeti procreatrix, cordis ad intrepidè reluctandum, feliciterque eluctandum, auxiliatrix. Atque hæc paucula de pestis origine & medela, ad maiorem Supremi Medici gloriam, & ad proximi salutem, elucubrata sunt.



Hanc Methodum præcauendæ curandæque pestis olim in nostra Academia disputatam, & nunc ab Auctore recognitam iudico dignissimam, quæ denuo typis subiiciatur; quod non solum nihil Fidei orthodoxæ, nihil bonis moribus contineat aduersum, verum etiam hoc tempore admodum utilis Reip. futura videatur.

GEORGIUS LYPRANDVS Societatis
IESV, SS. Theol. Professor ordinarius & pro tempore Decanus.



Methodus hac præcauendæ curandæque pestis bono ordine conscripta est, ac doctè & eruditè olim disputata in hac Academia, quare iure meretur, ut denuò in lucem prodeat.

ANTHONIUS IONAS KILIANSTEIN
Phil. & Med. Doctor & Professor Ordinarius eiusdemque Facult. pro tempore Decanus & Vniuersitatis Rector.



EPIGRAMMA

Ad

WOLFGANGVM HOE-
VERVM M.

Hffera pestiferi tradis medicamina morbi,
Et breuiter tanti semina prima mali:
Vnde venenatas iaculetur Apollo sagittas,
Et subitis repleat compita funeribus;
Agricolis terras, denudet ciuibus vrbes,
Quaque luem pellant, quâque leuetur ope.
Sic te posteritas merito dignetur honore,
Et sua praclarum fama sequatur opus.

NICOLAUS BVRGVNDIVS I. C.
& Professor Cod. Ordinarius.

ΕΠΙΓΡΑΜΜΑΤΙΟΝ ΗΡΩΙΚΟΝ
ΕΙΣ ΣΥΓΓΡΑΜΜΑΤΙΟΝ
ΠΕΡΙ ΣΥΣΤΑΣΕΩΣ ΛΟΙΜΙΚΗΣ.

Theocrit.
Idyll. II.

Ὡς μάλα μυρία λυγρὰ κατ' ἀνθρώπους ἀλάληται,
πλείη μὲν γὰρ γαῖα κακῶν, πλείη δὲ θάλασσα,
νῆσοι δ' ἀνθρώποισιν ἐφ' ἡμέρη, ἢ δ' ἐπὶ νυκτὶ
αὐτόματοι φοιτῶσι, κακὰ θνητοῖσι φέρουσαι.
σκήψας δ' ἔχθρις ὁ πτολίεθρων πυκνὰ ἐλάυνει
λοιμὸς, ἢ πολλοῖς προσενέγκατο νηλεὲς ἥμαρ.

Hom. Ili-
ad. lib. I.

πολλὰς τ' ἰφθίμους ψυχὰς αἰὶδὶ προΐαψεν
ἥρώων. αὐτὰς δ' ἑλώρια τευχε κύνεσσιν,
οἰωνοῖσί τε πᾶσι. θεῶ δ' ἔτελείετο βελλή
σφόδρα κολάζοντο μερόπων τάγε σθένεργα.
αὐτὰρ ἐπεὶ σε μέγας θεὸς ἡμῖν δῶκεν, Εὐβῆρε,
βυλόμεν ὁ λαὸν σόον ἔμμεναι, ἢ ἀπολέσθαι,
ὅκ' ἔτι δ' ἡ χαλεπὸν θνητοὶ φοβερέμεθα λοιγόν.
ἢ γὰρ κωλύεις μέλλον, τὸ παρὸν τε ἀμύνεις
πῆμα. παλαιὰ ἔτη τοῖον εἴ ποτε φῶτ' ἀν' ἔθρεψεν,
ὅ τόσσος θανάτῳ τὸ μέλαν νέφος ἀμφεκάλυψεν.
τοῖνυν σευ ξῶντο, ἢ ἐπὶ χθονὶ δερκομένοιο,
σμικρὸν συλῆξει ψυχάων μοῖρα θεοειτμόν.
ὥς πάυρας θανέειν ἄρα, ζῆσον αἰγιγενὲς ἥμαρ.

Idem
ibid.

IOANNES HVEBER. SS. Theol. Licen.
& ad D. Virginem antiquitus spe-
ciosam nuncupatam Parochus.



EPIGRAMMA
IN METHODVM PRAE-
CAVENDÆ CVRANDÆQVE
PESTIS.

H Orrida cum sauis Bellona refringeret armis
Boiariam, vicos sterneret atq; viros.
Tristia fata nimis! subito subrepsit egestas,
Annona pretium, mox truculenta fames:
Sapius insolitas miseris cum præbuit escas,
Quid nisi pestiferam protulit illa luem?
Qua tanto medicina malo est! ubi Delius alter
Inquirendus erit, qui modò præstet opem?
En Hæuerus adest, communis amore salutis,
Morborum nobis exagitator adest.
Fortibus antidotis expellere pestile virus,
Bubones, Prunas, arte fugare docet.

Accinuit

Debita observantia ergo Professori suo
Discipulus,

Marquardus Menzelius ab
Oberbachern, Medici-
næ Studiosus.

EPICURÆA

IN ANTIHODVM PRÆ

CAVENDÆ CVRANT DECV

TESTIS

II

III

IV

V

VI

VII

VIII

IX

X

XI

XII

XIII

Adm.

Adm.

Adm.

Adm.

Adm.

Adm.

